



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Eumolpæ seruæ.

urn:nbn:de:hbz:466:1-13534

Cumq; his et Veneres, deliciasq; suas.
Mox statuit nos custodes, hinc cura sepulcri
Tanta est, sollicitus inde smaragdus habet.
Ferte piæ dona hæc Amathusides, hæcq; smaragdo
Serta date, æternos spiret & urna crocos.

EVMOLP AE SERVÆ. VI. et Ge. colloquuntur.

Hos loculos, hos & tumulos, hæc iura sepulcri
Ecquis habet Lemurum? num Genius quis habet?
Ipsa fides habet, & casti reuerentia lecti.
Hic, atq; hic Genius mutua iura tenet.
Sic requies huic sit tumulo, quæ nam umbra quiescit
In loculis? cineres cuius & urna tegit?
Sarmatis hic Eumolpa iacet, quæ nupta marito
Eripitur, siculo captiæq; seruit hero.
Cuius dum fugit amplexus, renuitq; cubile,
Præceps de summa se iacit ausa domo.
Labentem simul excipimus, positamq; pheretro
Condimus, & castis assūmus hinc loculus.
Hos Eumolpa tibi flores, hæc serta dicamus.
Famaq; sit cineri semper amict tuo.
Vos quoq; felices Genij celebrate iacentem,
Et facti memorem reddite notitiam.

DRYASTIDIS NYMPHÆ QUERE
la a rusticis cæsæ. viator lequitur.

Quæ nam illa est igne medio flammisq; querela?
Qui gemitus? miseræ uirginis an' ne sonus?
Virginis ah miseræ uox illa est, sic tibi uirgo
Sit requies, gemitus causa nec ulla tui.

k iiij